

SO WHAT *What is the relevance of the Word to my life?*

- Anu-ano ang mga dahilan kung bakit nahihirapang maniwala ang mga tao sa ebanghelyo?
- Anu-ano ang mga karaniwang pagkakamali sa pag-intindi ng mga tao kay Jesus at sa Bibliya?
- Papaano mo pinagdadasal ang mga maysakit?

NOW WHAT

NOW WHAT *How do I apply the Word to my life?*

- Sinu-sino sa iyong mga kapamilya, kaibigan, at katrabaho ang matutulungan mo sa kanilang mga tanong tungkol sa Diyos at sa Bibliya? Kailan mo balak ibahagi ang ebanghelyo sa kanila?
- Sino ang pupwede mong ipagdasal ngayong linggo na gumaling? Papaano mo gagamitin ang kalagayang ito upang ituro sila kay Jesus?
- Alalahanin mo ang mga panahong tinulungan ka ng Diyos sa isang mahirap na sitwasyon. Papaano ito nakakatulong na pagkatiwalaan mo pang lalo ang Diyos sa mga pagsubok na iyong hinaharap? Kanino mo pupwedeng ibahagi ang iyong kwento sa susunod na mga araw?

PRAYER

- Manalangin na tulungan ka ng Diyos na maging mas sensitibo at mapag-alala sa mga pangangailangan ng mga tao sa iyong paligid.
- Hilingin na gumalaw ang Diyos sa kalagayan ng mga taong ipagdarasal mo upang gumaling at magkaroon ng katagumpayan sa kanilang mga pinagdadaanan.
- Ipagdasal ang mga taong hindi naniniwala sa Diyos na mabuksan ang kanilang pang-unawa sa pagbahagi mo ng mga ginawa ng Diyos sa iyong buhay.



VICTORY

Honor God. Make Disciples.

Pinahihintulutan ang pagkopya ng lathang ito na galing sa Victory® para sa kagamitan ng lokal ng simbahan.
 Karapatang Pag-aari © 2011 ng Every Nation Leadership Institute
 Inilathala ng EVERY NATION PRODUCTIONS
 P.O. Box 12229 Ortigas Center, Pasig City, Philippines

FILIPINO

TURNING POINT

Putik at Dura

Week 2

NOTES

[illegible]

CONNECT

- Ano para sa iyo ang pinakamagandang lugar na napuntahan? Ano ang pinakagusto mo dito?
- Anong uri ng palabas sa TV o sa sine ang madalas mong pinapanood? Bakit?
- Kapag mayroon kang hindi naintindihan, sino ang una mong tinatanong? Bakit mo inuunang puntahan sila?

WORD

WHAT

What does the Bible say?

⁵⁴“Habang ako ay nasa mundong ito, ako ang ilaw na nagbibigay-liwanag sa mga tao.” ⁶Pagkasabi niya nito, dumura siya sa lupa, gumawa ng putik mula sa dura at ipinahid niya sa mata ng bulag. ⁷Sinabi ni Jesus sa bulag, “Pumunta ka sa paliguan ng Siloam at maghilamos ka roon.” (Ang ibig sabihin ng Siloam ay “Sinugo.”) Pumunta nga roon ang bulag at naghilamos. Nang bumalik siya ay nakakakita na siya.

Juan 9:5-7

Sa talatang ito, makikitang si Jesus na tinatawag ang Sarili Niyang Ilaw ng Mundo, ay pinagaling ang isang taong bulag sa pagkabata. Ngunit higit pa sa pagpapagaling, naayos din ni Jesus ang iba’t ibang mga pagkabulag. Tingnan nating mabuti kung ano ang nangyari sa kwentong ito

- **Pagsasaayos ng maling pag-unawa**

¹Habang naglalakad si Jesus, may nakita siyang isang lalaki na ipinanganak na bulag. ²Tinanong si Jesus ng mga tagasunod niya, “Guro, sino po ba ang nagkasala at ipinanganak siyang bulag? Siya po ba o ang mga magulang niya?” ³Sumagot si Jesus, “Hindi siya ipinanganak na bulag dahil nagkasala siya o ang mga magulang niya. Nangyari iyon para maipakita ang kapangyarihan ng Diyos sa pamamagitan ng pagpapagaling sa kanya.”

Juan 9:1-3

Ang mga tao noon ay naniniwalang ang sanhi ng sakit ay kasalanan ng tao o ng kanyang mga magulang. Kaya’t nagtanong ang mga disipulo kung sino ang nagdulot ng pagkabulag sa lalaki. Sinabi ni Jesus sa kanila na hindi kasalanan ang dahilan nito kundi upang maipakita sa buhay niya ang kapangyarihan ng Diyos. Kapag may masamang nangyari sa atin, bakit hindi dapat tayo agarang nambibintang? Papaano natin titingnan ang ating sitwasyon na hawak ito ng Diyos?

- **Pagpapagaling sa bulag**

⁶Pagkasabi niya nito, dumura siya sa lupa, gumawa ng putik mula sa dura at ipinahid niya sa mata ng bulag. ⁷Sinabi ni Jesus sa bulag, “Pumunta ka sa

paliguan ng Siloam at maghilamos ka roon.” (Ang ibig sabihin ng Siloam ay “Sinugo.”) Pumunta nga roon ang bulag at naghilamos. Nang bumalik siya ay nakakakita na siya.

Juan 9:6,7

Ang paggamit ng laway sa paggagamot ay pangkaraniwan lamang noon, ngunit hindi pangkaraniwan ang ginawang pagpapagaling ni Jesus sa bulag. Kadalasa’y pinapatong natin ang ating kamay sa maysakit o di kaya’y pinagdadasal natin sila (Marcos 16:18; Santiago 5:14,15). Ngunit kahit ano pa ang ginawa ni Jesus, nagtiwala ang bulag sa Kanya at sumunod sa Kanyang ipinag-utos at gumaling ito. Gaano mo pinagkakatiwalaan ang Diyos? Gaano mo kagustong sundin ang Kanyang kaparaanan kahit na hindi mo ito lubusang naiintindihan?

- **Paghahayag ng Mesiyas**

²⁵Sumagot ang lalaki, “Hindi ko po alam kung makasalanan siya o hindi. Ang alam ko lang ay dati akong bulag, pero nakakakita na ngayon.” . . .

³⁵Nabalitaan ni Jesus na pinagbawalang pumasok sa bahay-sambahan ang dating bulag, kaya hinanap niya ito, “Sumasampalataya ka ba sa Anak ng Tao?” ³⁶Sumagot ang lalaki, “Sino po siya? Sabihin n’yo po sa akin upang sumampalataya ako sa kanya.” ³⁷Sinabi ni Jesus sa kanya, “Nakita mo na siya, at siya ang kausap mo ngayon.” ³⁸Sinabi agad ng lalaki, “Panginoon, sumasampalataya po ako sa inyo.” At lumuhod siya at sumamba kay Jesus.

Juan 9:25, 35-39

Nang gumaling ang bulag, tinanong siya tungkol kay Jesus. At kahit marami ang hindi naniniwala sa kanya lalo na ang mga Pariseo, hindi nila maikakaila ang nangyari sa kanyang buhay. Hindi lamang gumaling ang kanyang pagkabulag, gumaling din ang kanyang pananampalataya. Sigurado siyang si Jesus ang Mesiyas dahil naranasan niya ang Kanyang kapangyarihan. Ano ang ginawa ng Diyos sa iyong buhay na nakakapagpalakas ng iyong paniniwala sa Kanya? Papaano nito naituturo ang ibang tao kay Jesus?